



## «СЕН – ҚУДРАТ МАНБАИ, САОДАТ МАСКАНИ, ЖОНАЖОН ЎЗБЕКИСТОНИМ!»



3

ДАСТУРДАГИ  
ВАЗИФАЛАР ИЖРОСИ  
КАТЪИЙ НАЗОРАТДА



5

«СОДИҚЛИК  
ФАЛСАФАСИ»  
ҚИММАТГА ТУШЯПТИ

**5** **ДЕПУТАТ ҚАРОР  
ҚАБУЛ ҚИЛДИ**  
Нега Мадина Юсупова «Висол» кўчаси,  
67- уйда яшовчи Азизхўжага компьютер  
совға қилди?

**4** **ЁНГАН ҚАЛБЛАР  
НУРИ**  
Президентимиз  
Шавкат Мирзиёевнинг  
буюк аждодларимизга  
бош эгишимиз  
лозимлиги ҳақидаги  
фикрлари бежиз  
эмас...



**3** **МАСЪУЛИЯТ ҲИССИ**  
Ҳар қандай фуқаронинг тинч ва хотиржам  
яшаши жамоат тартибини сақлашдек  
ниҳоятда масъулиятли вазифани  
бажараётган Ички ишлар органлари  
ходимларига боғлиқ, албатта.

**2** **УМИДБОЙНИНГ УМИДЛАРИ  
УШАЛДИ**  
Айни пайтда Умид  
Каримов белгиланган  
кредит маблағини олиб,  
ўз режаларини амалга  
ошира бошлабди.



**7** **ОЛИСДАГИ УРУШНИНГ  
АКС-САДОСИ**

**Шавкат Мирзиёев раҳбарлигида Ўзбекистон  
янги марраларга интилмоқда**  
Туркиянинг «Жумҳурият» газетасида «Ўзбек тили  
БМТда» сарлавҳали мақола эълон қилинди.

**Аслида  
ўқитувчилик  
осон касб эмас**

Худудлардаги  
эпидемиологик вазият,  
таълим даргоҳи ва  
соғлиқни сақлаш  
тизимининг вазиятга  
тайёрлигидан келиб чиққан  
ҳолда, 21 сентябрдан  
бошлаб республика бўйича  
жами 4 минг 379 та (43,9  
фоиз) мактаб тўлақонли  
равишда ишламоқда.  
Маъмур мактабларда 2,1  
миллион нафар (34 фоиз)  
ўқувчи таҳсил олаётган  
булиб, улардан 1,5  
миллион нафари (72 фоиз)  
анъанавий, қолган 595 минг  
нафари (28 фоиз) онлайн  
шаклда таълим олмақда.  
Маълумки, бир муддат  
баъзи мактабларда  
дарслар онлайн шаклда  
бошланди. Бу жараёнда  
ўқитувчилар ва ота-оналар  
масофавий таълимни қай  
шаклда олиб борди? Ота-  
оналар фарзандларини  
қай даражада назорат қила  
олди?

– Аслида ўқитувчилик  
осон касб эмас, – дейди  
рус тили фани ўқитувчиси  
Муқаддас Бобожонова. –  
Буни карантин вақтида, уйда,  
ўз фарзандларига таълим  
беришга уринган ота-оналар  
ҳам кўп бор эътироф этди.  
Биз, синф раҳбарлари  
учун ҳам мураккаб жараён  
бу. Сабаби ҳам синфимиз  
ўқувчиларини ҳар бир фандан  
ўзлаштириши, дарсларни  
ўз вақтида бажаришига  
индивидуал ёндашиш талаб  
этилди.

Бундан ташқари, ўз фанимиз  
бўйича дарс соатларимиз  
ҳам бор. Ҳар бир синф  
ўқувчилари турли ёшда,  
турлича фикрлайди.  
Синфда ҳамма ўқувчига  
битта таклиф бериб, улар  
билан юзма-юз мулоқот  
қилиб, фикрини сўраш, хис-  
туйғуларини англаш мумкин.  
Онлайн мулоқотда бу бироз  
қийин.

– Уч фарзандим бор, – дейди  
Дилноза Ҳамроева. – Икки  
нафари битта мактабга  
борарди, биттаси эса бошқа  
мактабда ўқирди. Утган ўқув  
йили масофавий ўқишга  
анча мослашгандик. Аммо  
осон бўлмади. Шу боис  
бу ўқув йилида уларнинг  
анъанавий ўқишига рози  
бўлгандим. Аммо ҳали  
мактабимиз очилмади.  
Шу боис ҳалиям онлайн  
ўқиямиз. Фарзандларим  
саломатлигидан  
хавотирдаман. Аммо бу  
ҳолда ҳам давом эттириш  
мумкин эмас.

– Мактаб таълими борасида  
кўп танқидий фикрлар  
юради, – дейди география  
фани ўқитувчиси Гулшода  
Хусайинова. – «Синфда  
бола кўп, ҳар бир ўқувчига  
ўқитувчи вақт ажратмайди,  
таълим сифати ёмон...»  
каби гап-сўзлар доим бор.  
Аммо мактаб таълими  
бошқача. Битта синфда ҳар  
бир ўғил-қиз билан мулоқот  
қила оласиз. Шу боис кеча,  
21 сентябрдан бошлаб  
мактабимиз иш бошлади.  
Ўқувчиларимизни қабул қилиб  
олдик. 9-синф ўқувчиларим  
бор. Уларни кўриб жуда  
кувондим. Бу таърифлаб  
бўлмайдиган туйғу.  
Бугунги вазият ҳар бир  
ҳолатга, инсонларга,  
атрофимизга ўзгача нигоҳ  
билан қарашни ўргатди.  
Хусусан, мактабдаги  
жараёнлар, ўқитувчилар  
ҳақидаги фикрлар  
ҳам ўзгарди. Мухими,  
фарзандларимиз келажаги  
учун ҳаммамиз биргалиқда  
ҳаракат қилишимиз шарт.

## Тилимиз жаҳон нигоҳида

Ўзбек тили дунёдаги энг бой ва чуқур  
тарихий илдизларга эга бўлган буюк  
тиллардан биридир.  
Мустақиллик йилларида ўзбек тили ҳақиқий  
сиёсат тилига айланди. Собиқ иттифоқ  
даврида ўзбек сиёсий тили таржима тили  
эди, холос. Чунки марказда қабул қилинган  
барча ҳужжатлар, маъруза ва чиқишлар,  
сиёсий аҳамиятга эга ахборотлар зудлик  
билан ўзбек тилига таржима қилинарди. Энди  
эса давлат тилида сиёсат олиб бориляпти.  
Давлатимиз билан бошқа давлатлар  
ўртасидаги ҳар қандай ҳужжат уч тилда –  
ўзбек тилида, ўша давлатнинг тили ва халқаро  
тилда имзоланади. Мустақиллик йилларида  
янги ўзбек дипломатик тили шаклланди ва  
такомиллашди. Ўзбек тилига давлат тили  
мақоми берилгандан кейинги 30 йиллик  
тарихимизни кўздан кечирийдиган бўлсак,  
бунга яна бир қарра ишонч ҳосил қиламиз.  
Президентимизнинг «Ўзбекистон  
Республикасининг «Давлат тили ҳақида»ги  
Қонунининг 30 йиллигини кенг нишонлаш  
тўғрисида»ги қарориди «Дунёдаги қадимий  
ва бой тиллардан бири бўлган ўзбек тили  
халқимиз учун миллий ўзлик ва мустақил  
давлатчилигимиз тимсоли, бебаҳо  
маънавий бойлик, мамлакатимизнинг  
сиёсий-ижтимоий, маънавий-маърифий  
тараққиётида гоят муҳим ўрин эгаллаб  
келаётган буюк қадрият» экани алоҳида  
таъкидлаб утилган.

Давоми 5-бетда

**Болалик** 8

**ЁКИ ПРЕЗИДЕНТ МАСЛАҚАТЧИСИ  
ҚАНДАЙ ҚАРОР ҚАБУЛ ҚИЛГАН ЭДИ?**

**ИЛОҲИМ  
ҚЎЛИНГИЗ  
СИНСИН, УСТОЗ!** 6

**ЎЗСИМЗИЛИК  
ТУЗСИМЗИЛИК  
ФЕНОМЕНИ**





Ҳожат эмас, ҳаммасини сўзла баён қилмоққа, бир  
боқмоқ минг сўздан яхшидир англаганга.  
Жалолиддин Румий

# САЙЛОВОЛДИ ДАСТУРИДАГИ ВАЗИФАЛАР ИЖРОСИ ҚАТЪИЙ НАЗОРАТ ҚИЛИНЯПТИ

Ўтган ҳафта Олий Мажлис Қонунчилик палатаси спикери ўринбосари, Ўзбекистон «Миллий тикланиш» демократик партияси Марказий кенгаши раиси Алишер Қодиров бошчилигидаги ишчи гуруҳ водий вилоятларида бўлиб, маҳаллий кенгаш депутатлари ва партия фаоллари билан учрашувлар ўтказди.

Сафар давомида йирик ишлаб чиқариш корхоналари ҳамда ҳусурий тадбиркорлар фаолиятига тўсиқ бўлаётган муаммолар ҳам таҳлил этилди. Партия фаолларининг Фарғона вилоятига сафари маҳаллий кенгаш депутатлари билан учрашувдан бошланди.

Гарчи сўнгги йилларда фаолиятимизда муҳим ўзгаришлар амалга оширилаётган бўлса-да, уларни бугунги кун талаблари даражасида деб бўлмади, — деди партия етакчиси. — Бугун ўз фаолиятига танқидий баҳо бермайдиган ва ўз устида ишладан тўхтаган ходим ҳеч қачон юксак марраларни забт эта олмади. Бино қанчалар баланд бўлмасин, пойдевори мустаҳкам бўлмаса, бир кун келиб, қулаши аниқ. Шу маънода, фарғоналик ҳамкасбларимиз билан юзма-юз учрашиб, шунга амин бўлдики, сафимизда ҳар қандай ташаббусларга лаббай деб жавоб берадиган сафдошларимиз кўп экан. Албатта, бунда вилоят кенгаши раиси Хурсаной Исламованинг хизматларини алоҳида таъкидлаш лозим.

Шу кун ишчи гуруҳ аъзолари

Фарғона вилоят соғлиқни сақлаш бошқармасига қарашли Болалар кўп тармоқли тиббиёт марказида бўлиб, шифокорлар билан очиқ мулоқот ўтказилди. Учрашувда партия етакчиси пандемия инсониятни қайтадан тарбиялаётгани, инсон саломатлигини асраш қанчалар муҳим экани ва шу билан бирга пандемия тиббиёт ходимлари меҳнатини қадрлашни ўргатаётганини айтиб, шифокорларга ҳар қанча миннатдорлик билдирсак, шунча оз деди.

Шу ерда нафас етишмовчилиги билан хасталанган беморларнинг нафас олишини енгилаштирувчи 6 донна Охуген концентратори партиянинг Фарғона вилоят кенгаши ташаббус билан ташкил қилинган кўнгилли тиббий хизмат кўрсатиш гуруҳи аъзоларига топширилди.

Ишчи гуруҳнинг Андижондаги сафари «Digital City» технопарк фаолияти билан танишишдан бошланди. Андижон шаҳар марказидаги 5,6 гектар майдонда қуриб битказилган ушбу мажмуа ахборот технологиялари ва инновацион лойиҳаларни қўллаб-қувватлаш ҳамда дастурий маҳсулотлар экспортини йўлга қўйишга ихтисослашган. Ҳозир бу ерда чекка туманлардан келган 328 нафар ёш мутахассис ишламоқда.

Андижон вилоят кенгаши аъзолари билан очиқ мулоқотда асосий эътибор кўп партиявийлик тизими тобора ривожланаётган бир пайтда сайловчиларнинг

ҳуқуқий билимларини ошириш, ҳар бир депутат ва партия ходими зиммасидаги масъулият масалаларига қаратилди.

Очиқ мулоқот якунида «Саховат ва кўмак» умуммиллий ҳаракатида фаол иштирок этган бир гуруҳ депутатларга партиянинг фахрий ёрликлари ҳамда эсталик совғалари топширилди. Ишчи гуруҳнинг Наманганга сафари, айниқса, самарали ўтгани таъкидланмоқда. Маҳаллий кенгаш депутатлари, партия ходимлари ва фаоллар билан ташкил этилган учрашувда партия олдида турган энг муҳим вазифаларни муҳокама қилинди.

— Бугунги учрашувда фаолиятимиз давомида амалга ошираётган ишлар, муаммо ва камчиликлар ҳақида очиқ гаплашиб олдик, — дейди халқ депутатлари Наманган вилояти Кенгаши депутати Ислол Тойирбаев.

Шу кун партия фаоллари маҳаллий хунармандлар билан ҳам мулоқот ўтказдилар.

— Халқимиз дунёнинг ҳеч қаерида учрамайдиган, бебаҳо, бетакрор урф-одатларга эга, — деди партия етакчиси учрашувда. — Афсуски, мустабид тузум бизни фақат ва фақат эзгуликка хизмат қилувчи миллий қадриятларимиздан айришга, узоқлаштиришга ҳаракат қилди. Аксинча, ўша даврда миллатимизга хос бўлмаган қарашлар олқишланди. Бундай машъум қунармандларнинг хизмати беқиёс. Шу маънода, хунармандлар бизнинг электратимиз ҳисобланди ва уларнинг муаммолари бизнинг муаммоларимиздир.

Ишчи гуруҳи «ИМIR» кийимкечаклар ишлаб чиқариш корхонасида ҳам бўлиб, Марказий Осиёда етакчи бўлган улкан жамоа ишчи-хизматчилари билан суҳбатлашдилар. Айни пайтда корхона маҳсулотлари Дания ва АҚШга ҳам экспорт қилинмоқда. Корхона фаолиятининг йилдан йилга кенгаётгани сабабини бу ерда 600 кишининг иш билан банд эканида ҳам кўриш мумкин.

— Ишчи-хизматчиларнинг ўз меҳнатига яраша ҳақ олаётгани, маҳсулот ишлаб чиқариш ҳажми ортиб, иш ҳақи муттасил ошиб бораётгани моддий манфаатдор-

лик юқори бўлган жойда на коррупцияга, на норозиликка ўрин қолдирмаслигини кўрсатяпти, — деди Алишер Қодиров.

Ана шундай мулоқотлар майдони кеча Сирдарё вилоятига кўчди.

Ўзбекистон «Миллий тикланиш» демократик партияси Марказий кенгаши раис ўринбосари Феруза Муҳамеджанова бошчилигидаги гуруҳ учрашувлари Ҳалима Худойбердиева номидаги она тили ва адабиёти фанини чуқур ўқитишга ихтисослаштирилган мактаб-интернат фаолияти билан танишишдан бошланди.

Маълумки, Президентимиз ўтган йилнинг 19 февраль куни Сирдарёга ташрифлари чоғида бир гуруҳ ижодкорлар билан учрашиб, Ўзбекистон халқ шоираси Ҳалима Худойбердиева номидаги мактаб-интернати барпо этиш ташаббусини илгари сурган эдилар. Шундан кейин Вазирлар Маҳкамасининг «Гулистон шаҳрида Ҳалима Худойбердиева номидаги она тили ва адабиёти фанини чуқур ўқитишга ихтисослаштирилган мактаб-интернати ташкил этиш тўғрисида»ги қарори қабул қилинди. Мазкур ҳужжатга мувофиқ, Гулистон шаҳрида ўзига хос, миллий ва замонавий архитектуранинг уйғунлаштирувчи янги, 3 қаватли мухташам бино бунёд этилди.

— Айни пайтда мамлакатимизнинг барча ҳудудларида фанларни чуқур ўқитишга ихтисослаштирилган ижод мактаблари ташкил этилмоқда, — дейди Ф.Муҳамеджанова. — Ҳалимагон Худойбердиева номидаги таълим даргоҳидаги шароитларни кўриб, бундай хатти-ҳаракатлар бежиз эмаслигига ишонч ҳосил қилдик.

Айни пайтда ижод мактабида она тили ва адабиётга, бадиий ижодга ҳавасманд бўлган 150 нафар иқтидорли ўғил-қиз таълим олмоқда.

Шу кун Марказий кенгаш аъзолари партия вилоят ва туман кенгашлари ходимлари, маҳаллий кенгаш депутатлари ҳамда фаоллар билан учрашиб, 2020-2024 йилларга мўлжалланган Сайловолди дастури ижросини таъминлашда партия олдида турган вазифаларни атрофлича муҳокама қилдилар. Учрашув якунида партия сафига қабул қилинган аъзоларга гувоҳнома ва эсталик совғалари топширилди.

Равшан МАҲМУДОВ,  
Камола АБДУВАЛИЕВА,  
Аброр ХУСАИНОВ ва  
Саида ИСМОИЛОВАлар  
тайёрлади.



## ”

Партия миллий ахборот макони ва ахборот инфратузилмасини ривожлантирмай туриб, сўз эркинлиги ва ахборот очиклигини таъминлашга эришиб бўлмайди, деб ҳисоблайди. — журналистлар ва блогерларнинг эркин фаолият оляб бориш қафолатини қонунчиликда янада такомиллаштириш, шунингдек, уларнинг ахборот тарқатишдаги масъулиятини ошириш; — ижтимоий тармоқларда ахборот тарқатиш масъулиятини ошириш ва уни тартибга солишнинг ҳуқуқий механизмларини ишлаб чиқишга довр таклифларни илгари суради.

ЎЗБЕКИСТОН «МИЛЛИЙ ТИКЛАНИШ»  
ДЕМОКРАТИК ПАРТИЯСИНИНГ  
САЙЛОВОЛДИ ДАСТУРИДАН

## Масъулият ҳисси

Ҳар қандай фуқаронинг тинч ва хотиржам яшashi жамоат тартибини сақлашдек ниҳоятда масъулиятли вазифани бажарётган Ички ишлар органлари ходимларига боғлиқ, албатта.

— Кейинги йилларда юртимиз аҳолиси тинчлигини сақлаш, фуқаролар хавфсизлигини таъминлаш борасида кенг қўламли ишлар амалга оши-

рилди, — дейди Тошкент шаҳар ички ишлар Бош бошқараси бошлиғи Азиз Тошўлатов. — Бунда давлат ва нодавлат ташкилотлар билан йўлга қўйилган ҳамкорлик ҳам яхши самара берапти.

Шу ўринда, Ўзбекистон «Миллий тикланиш» демократик партиясининг халқ депутатлари Тошкент шаҳар Кенгашидаги депутатлик гуруҳи билан Тошкент шаҳар ички ишлар

Бош бошқармаси ҳамкорлиги кўп сайин мустаҳкамланиб бораётганини ҳам таъкидлаш жоиз. Яқинда пойтахтимиздаги 16 та йирик бозор ва савдо мажмуалари атрофида тирбандликни олдини олиш, жамоат транспортининг эркин ҳаракатланишига имкон яратиш масалалари ўрганилиб, мазкур ҳудудларга 30 та автоматлаштирилган камералар ўрнатиш учун жами 3,5 млрд сўм миқдорда маблағ ажратилди. Бу эса маҳаллалар тинчлиги, фуқаролар хавфсизлигини таъминлашда ижобий натижаларга асос бўляпти. Бу борада Шайхонтоҳур туманида тизимли ишлар амалга ошириляпти.


Хусусан, жорий йилнинг 8 ойда содир этилган ўта оғир жиноятлар 66,67 фоизга, унча оғир бўлмаган жиноятлар 5,63 фоизга камайди. Номусга тегиш, босқинчилик содир этиш билан боғлиқ жиноятларга эса батамом барҳам берилди.

Шу ўринда энг кўп учрайдиган талончилик 60 фоизга, транспорт воситасини олиб

қочиш 50, иқтисодий жиноятлар 44,7, автотранспорт воситалари билан боғлиқ ўғирлик 42,86, ўлим билан туғган йўл транспорт ҳодисалари эса 14,29 фоизга камайди.

2019 йил якуни бўйича аввалги йилга нисбатан содир этилган жиноятлар 49,74 фоизга, жиноят-қидирув йўналишидаги ҳуқуқбузарликларнинг эса 52,41 фоизга камайишига эришилди. Пандемия шароитида профилактика ишлари, фуқаролар ўртасида эса тарғибот ишлари кучайтирилди. Натижада ҳуқуқбузарлик ва қоидабузарликлар сони кескин камайди. Карантин шароитида ҳудудлар нazorати ёки аниқланган ва чекловга олинган хонадонларни қўриқлаш, саховат тадбирларида эса соҳа ходимларининг бевосита иштирок этишлари жамоатчиликнинг, айниқса, ёшларнинг ички ишлар тизимига бўлган ишончини мустаҳкамламоқда.

Лайлохон МУҲИТИНОВА,  
Тошкент шаҳар кенгаши  
етақчи мутахассиси



**ЎТИМОИY ЛIFT**  
2020-йил, сентябр

Ўзбекистон «Миллий тикланиш» демократик партияси  
эксперти. «Magom» kitob-albomi bosh ijodkoni,  
UNESCO'ning International Organization of Folk Art (Xalq  
san'ati xalqaro tashkiloti) a'zosi, saratshunoslik bo'yicha  
falsafa fanlari doktori, "Shuhrat" medali sohibi

**Dadajonova Iroda  
Abdulazizovna**

Yunus Rajabiy nomidagi O'zbek milliy  
musiqasi san'ati institutining ilmiy ishlar va  
innovatsiyalar bo'yicha prorektori  
lavozimiga tayinlandi

**«МИЛЛИЙ ТИКЛАНИШ»  
ГАЗЕТАСИГА ОБУНА  
БОШЛАНДИ!**

Обуна - 2021  
Обуна индиренг  
758









